



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1508568

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

17 հունիսի 2020թ.

ք. Երևան
(կազմման վայրը)

Ակտի հասցեատեր

«Ազգա Լոգիստիկ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	1	2	7	1	8	2	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Աջափնյակ, Մարգարյան փող. 72. 45բն.

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 05.05.2020թ-ի թիվ 1508568 որոշման համաձայն «Ազգա Լոգիստիկ» ՍՊԸ-ի նկատմամբ իրականացված օպերատիվ հետախուզական միջոցառումների արդյունքում պարզվել է, որ ք. Երևան, Արին-Բերդ 5նրբ. թիվ 10/1 հասցեում գտնվող Ընկերության արտադրական տարածքից 23.05.2020թ-ին ժամը 09:59-ի սահմաններում Ընկերության վարորդ-առաքիչ Ռաֆիկ Մանուկյանը «Ֆորդ տրանզիտ» մակնիշի 36 TV 497 համարանիշի ավտոմեքենայով ք. Երևան, Արցախի 18/146 հասցեում գործող Ա/Ձ Արմեն Հունանյանին է (ՀՎՀՀ՝ 30970427) մատակարարել 10.225 ՀՀ դրամ արժողությամբ թխվածքներ:

ՀՀ ՊԵԿ տեղեկատվական համակարգի ուսումնասիրությամբ պարզվել է, որ ընդհանուր 10.225 ՀՀ դրամ արժողությամբ ապրանքների մատակարարման համար Ընկերության կողմից 23.05.2020թ-ին ժամը 09:59-ի դրությամբ դուրս գրված չի եղել համապատասխան հաշվարկային փաստաթուղթ:

Վերոգրյալը հաստատվել է նաև Ընկերության գլխավոր հաշվապահ Արթուր Ավետիսյանի կողմից 23.05.2020թ-ին տրված գրավոր հայտարարությամբ, միաժամանակ վերջինս հայտնել է, որ նշված մատակարարման վերաբերյալ փաստաթուղթը Ընկերության կողմից դուրս է գրվել ուշացումով՝ 23.05.2020թ-ին ժամը 10:15-ին:

Թիվ 1508568 արձանագրությամբ 25.05.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում «Ազգա Լոգիստիկ» ՍՊԸ-ի կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմում է 10.225 ՀՀ դրամ, որի 50%-ը կազմում է 5.112,5 ՀՀ դրամ, ուստի օրենսդրական պահանջից ելնելով «Ազգա Լոգիստիկ» ՍՊԸ-ի նկատմամբ կիրառելի է 200.000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Ազգա Լոգիստիկ» ՍՊԸ-ին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200.000	պետական բյուջե	900008000490

2. Ընդունելի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Ալիսա Սողոմոնյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաղուկ առաքման դեպքում)

ստորագրությունը

” ” 2020թ.